



Bosna i Hercegovina
Federacija Bosne i Hercegovine
Tuzlanski kanton
OPĆINA GRADAČAC

H.K.Gradašćevića 54, 76 250 Gradačac, telefon 035-369-770 i 369-771, e.mail: opc.grad@bih.net.ba, www.gradacac.ba

Općinsko vijeće

Na osnovu člana 2.2 i 2.12. Izbornog zakona Bosne i Hercegovine ("Sl. glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06 i 24/06, 32/07, 33/08 i 37/08, 32/10, 18/13, 17/14 i 31/16), člana 7. Uputstva o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini – Prečišćeni tekst ("Službeni glasnik BiH", br. 29/18), člana 24. Statuta Općine Gradačac ("Sl. glasnik Općine Gradačac", br. 4/08, 5/12, 1/17, 5/18 i 8/18), Općinsko vijeće Općine Gradačac na sjednici od 2019. godine, d o n o s i

ODLUKU

**o objavljivanju Javnog oglasa za imenovanje jednog člana
Općinske izborne komisije Gradačac**

Član 1.

Objavljuje se Javni oglas za imenovanje jednog člana Općinske izborne komisije Gradačac, na mandat koji traje sedam godina i teče od dana davanja saglasnosti Centralne izborne komisije BiH.

Član 2.

Javni oglas iz prethodnog člana objaviti u najmanje jednom dnevnom listu, koji izlazi na području Bosne i Hercegovine, na web stranici općine Gradačac i na Radio stanici Gradačac.

Član 3.

Postupak Javnog oglasa provest će Komisija za izbor i imenovanje Općinskog vijeća Gradačac (u daljem tekstu: Komisija za izbor i imenovanja).

Član 4.

Komisija za izbor i imenovanja će po zaključenju Javnog oglasa izvršiti klasifikaciju kandidata, sa kandidatima koji ispunjavaju uslove obaviti intervju, prema prethodno utvrđenim kriterijima, izvršiti bodovanje i sačiniti Rang listu sa redoslijedom kandidata prema postignutom uspjehu (ukupnom broju bodova), pripremiti prijedlog rješenja i sve dostaviti Općinskom vijeću Gradačac na odlučivanje.

Član 5.

Sastavni dio ove Odluke je tekst Javnog oglasa, koji će se objaviti u dnevnom listu iz člana 2. ove Odluke.

Član 6.

Ova Odluka supa na snagu danom donošenja, a objavit će se u "Službenom glasniku Općine Gradačac".

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA GRADAČAC
- Općinsko vijeće-**

Broj: 01-05-...../19
Datum: 2019. godine
G r a d a č a c

**PREDSJEDAVALAČ
OPĆINSKOG VIJEĆA**

Šakić Enir, prof.

O b r a z l o ž e n j e

Općinsko vijeće Gradačac je aktom broj: 01-05-414-1 od 28.12.2018. godine, zatražio od CIK-e BiH saglasnost na Rješenje broj 01-05-415/18 od 27.12.2018. godine, kojim se Kasumović Valerija imenuje na dužnost člana Općinske izborne komisije Gradačac. Rješenjem broj: 06-1-07-1-3/19 od 17.01.2019. godine, Centralna izborna komisija nije dala saglasnost i poništila je Rješenje Općinskog vijeća o imenovanju na dužnost u Općinskoj izbornoj komisiji.

U rješenju navedeni broj i datum, u obrazloženju je navedeno da je potrebno da Općinsko vijeće Gradačac, izvrši imenovanje člana Općinske izborne komisije Gradačac, u skladu sa odredbom člana 2.12 stav (5) i 2.14. stav (1) Izbornog zakona BiH, u dijelu koji se odnosi na nacionalni sastav izborne komisije i Uputstva o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini – Prečišćeni tekst (“Službeni glasnik BiH”, br. 29/18).

Na 42. sjednici Komisije za izbore i imenovanja, održanoj dana 25.02.2019. godine, na osnovu člana 7. Uputstva o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini – Prečišćeni tekst, Komisija je utvrdila prijedlog Odluke o objavljivanju javnog oglasa za imenovanje jednog člana OIK-e Gradačac, i utvrdila tekst Javnog oglasa.

Komisija predlaže Općinskom vijeću da materijal usvoji u predloženom tekstu.

KOMISIJA ZA IZBORE I IMENOVANJA



Bosna i Hercegovina
Federacija Bosne i Hercegovine
Tuzlanski kanton
OPĆINA GRADAČAC

H.K.Gradašćevića 54, 76 250 Gradačac, telefon /fax: 035/ 821-985 e.mail: opc.grad@bih.net.ba, www.gradacac.ba

Općinsko vijeće

Na osnovu člana 2.12 , stav (5). i 2.14.stav (1) Izbornog zakona Bosne i Hercegovine ("Sl. glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06 i 24/06, 32/07, 33/08 i 37/08, 32/10 i 18/13, 7/14 i 31/16), člana 7. Uputstva o utvrđivanju kvalifikacija, broja, imenovanju i razrješenju članova izborne komisije osnovne izborne jedinice u Bosni i Hercegovini – Prečišćeni tekst ("Službeni glasnik BiH", br. 29/18), člana 1. Odluke o raspisivanju javnog oglasa za imenovanje jednog člana Općinske izborne komisije Gradačac ("Sl. glasnik općine Gradačac", br. _____), Općinsko vijeće općine Gradačac, r a s p i s u j e

JAVNI OGLAS za imenovanje jednog člana Općinske izborne komisije Gradačac

I – Raspisivanje Javnog oglasa

Raspisuje se Javni oglas za imenovanje 1 (jednog) člana Općinske izborne komisije Gradačac.

Mandat člana Općinske izborne komisije traje sedam godina i teče od dana davanja saglasnosti Centralne izborne komisije BiH, na odluku o imenovanju člana izborne komisije donesenu od strane Općinskog vijeća Gradačac.

II –Ravnopravna zastupljenost

Sastav Općinske izborne komisije treba biti multietnički, tako da odražava zastupljenost konstitutivnih naroda, uključujući ostale, u izbornoj jedinici za koju se organ nadležan za sprovođenje izbora osniva, vodi računa o posljednjem popisu stanovništva na državnom nivou.

Sastav Općinske izborne komisije treba, u pravilu odražavati ravnopravnu zastupljenost spolova.

III – Opći uslovi:

Uslovi, koje kandidat za člana Općinske izborne komisije treba ispunjavati su slijedeći:

Opći uslovi propisani članom 2.2. Izbornog zakona BiH:

- Član Općinske izborne komisije je osoba sa pravom glasa;
- Član Općinske izborne komisije je osoba sa odgovarajućom stručnošću i iskustvom na provedbi izbora.

IV – Posebni uslovi

Pored općih uslova propisanim članom 2.2. Izbornog Zakona BiH, član Općinske izborne komisije mora ispunjavati i posebne uslove:

- da imaju prebivalište na općini Gradačac;
- da imaju završen fakultet VII/1 stepen stručne spreme ili završen fakultet Bolonjskog sistema studiranja s najmanje 180 ECTS;
- da ima završenu višu školu, odnosno VI stepen stručne spreme ukoliko je potrebno ispoštovati odredbe člana 2.14. st. 1. Izbornog zakona BiH, ili ukoliko nema kandidata koji ispunjavaju uvjete popisane odredbom stave 2. tačka b. Uputstva;
- da posjeduju iskustvo u provođenju izbora:
 - a) članstvo u izbornoj komisiji;
 - b) članstvo u biračkom odboru na izborima obuhvaćenim Izbornim zakonom BiH.

V – Izuzetak

Izuzetno, član Općinske izborne komisije može biti osoba koja ima završen pravni fakultet, odnosno VII/I stručne spreme ili završen pravni fakultet Bolonjskog sistema studiranja s najmanje 180 ECTS bodova, a da ne posjeduje iskustvo u provedbi izbora.

VI – Lica koja ne mogu biti imenovana na poziciju člana Općinske izborne komisije

“Za člana Općinske izborne komisije po članu 2.3. Izbornog zakona BiH: NE MOŽE biti imenovana osoba:

1. koja se ne može kandidovati u smislu odredbi člana 1.6.; 1.7. i 1.7.a Izbornog zakona BiH;
2. koja je član najvišeg izvršno-političkog organa političke stranke ili koalicije (predsjednik, potpredsjednik, generalni sekretar, sekretar ili član izvršnog odbora ili glavnog odbora);
3. koja je nosilac izabranog mandata ili je član izvršnog organa vlasti, osim u slučajevima predviđenim članom 2.12. tačka 4. ovog Zakona.
4. koja je kandidat za izbore za bilo koji nivo vlasti;
5. kojoj je izrečena kazna za težu povredu izbornog zakona ili propisa za koji je lično odgovorna, u posljednje četiri godine računajući od dana pravosnažnosti odluke.

“Član općinske izborne komisije po članu 2.12. tačka 7. Izbornog zakona BiH: NE MOŽE biti zastupnik, odnosno punomoćnik političkog subjekta, koji učestvuje na izborima, ili osoba koja je pravomoćnom sudskom presudom osuđena na kaznu zatvora u trajanju od šest mjeseci ili duže”.

VII - Dokumentacija

Uz prijavu na ovaj Javni oglas potrebno je dostaviti sljedeću dokumentaciju:

1. kraća biografija sa ličnim podacima kandidata (ime, prezime, ime oca, jedinstveni matični broj, tačna adresa, broj telefona za kontakt, kao i podatke o kretanju u službi);
2. ovjerena fotokopija diplome o stečenoj stručnoj spremi;
3. Fotokopija lične karte i obrazac PBA-3 (dokaz o prebivalištu izdatog od strane CIPS-a, ne starije od tri mjeseca od dana izdavanja od strane nadležnog organa);
4. dokaz o izbornom iskustvu, za kandidata. Pod iskustvom u provođenju izbora podrazumijeva se članstvo u izornoj komisiji i članstvo u biračkom odboru na izborima obuhvaćenim izbornim zakonom u BiH. Dokaz mora sadržavati: podatke o nazivu izborne komisije i mandatnom periodu, odnosno vrsti i godini izbora i nazivu biračkog mjesta, u kojem je imenovani kandidat bio član biračkog odbora, te podatak da je imenovani kandidat bio angažovan u radu biračkog odbora i obavljao ovu dužnost;
5. Izjavu o nacionalnom izjašnjenju kandidata sa posljednjeg popisa stanovništva u BiH, svojeručno potpisana i ovjerena kod nadležnog organa;
6. Izjava o nepostojanju smetnji iz člana 2.3. Izbornog zakona, svojeručno potpisana i ovjerena od strane nadležnog organa;
7. Popunjen upitnik Centralne izborne komisije.

NAPOMENA: Obrazac izjave pod 6., i Upitnik Centralne izborne komisije pod 7., može se preuzeti u Stručnoj službi Vijeća ili Web stranici CIK-e BiH.

Ovaj oglas ostaje otvoren 8 (osam) dana od dana objavljivanja.

Po zatvaranju Javnog oglasa, Komisija za izbore i imenovanja - Konkursna komisija će prema dostavljenoj dokumentaciji izvršiti klasifikaciju kandidata i neće uvažavati naknadno dostavljena dokumenta..

Sa kandidatima koji ispunjavaju uslove Javnog oglasa, Konkursna komisija će obaviti intervju, prema prethodno utvrđenim kriterijima, nakon čega vrši bodovanje, prema nakon čega će sačiniti rang listu sa redoslijedom kandidata (ukupnom broju bodova), postignutom na intervju.

Nadležni organ – Općinsko vijeće Gradačac, će cijeneći položaj kandidata na Rang listi izvršiti imenovanje i svoju Odluku dostaviti na saglasnost Centralnoj izbornoj komisiji BiH.

Nepotpune i neblagovremene prijave neće biti uzete u razmatranje.

Prijave za ovaj Javni oglas dostaviti u zatvorenim kovertama sa naznakom: “JAVNI OGLAS ZA IMENOVANJE JEDNOG ČLANA OPĆINSKE IZBORNE KOMISIJE – NE OTVARAJ” na slijedeću adresu:

**KOMISIJA ZA IZBOR I IMENOVANJA
OPĆINSKOG VIJEĆA GRADAČAC**

**Ul. H.K. Gradaševića 74
76 250 GRADAČAC**

Za sve dodatne informacije možete se obratiti na telefon: **035/369-770 i 369-771.**

Broj: 01-05-____/19

Datum: _____.2019

G r a d a č a c

**PREDSJEDAVAJUĆI
OPĆINSKOG VIJEĆA**

Šakić Enir, prof. s.r.